

Житіе преподобнаго отца нашего Кирилла Новоезерскаго*).

Сей блаженный Кирилль **) родился отъ благочестиву и богату родителю, града Галича. Егда же ему бывшу во утробѣ материи, во время Божественнаго ибнїя, возгласи три краты: Святъ, Святъ, Святъ Господь Саваоѣ, исполнѣ вся земля славы Его. Отроку же еще юну сущу тѣломъ и недоспѣвшу совершеннаго возраста, прииде желаніе, еже быти монаху; и отъиде втай отъ родителей своихъ отъ града Галича на рѣку Обкору; слышалъ бо бѣ отъ родителей своихъ о обители преподобнаго Корнилія, составленной отъ него: бѣ бо обитель отъ града Галича осмьдесять поприщъ. И идущу ему путемъ, обрѣте на пути старца, сѣдинами украшена. Оному же вопросившу отрока, камо грядеши; онъ же повѣда ему, яко ко обители грядеть преподобнаго Корнилія. И шествующимъ имъ путемъ во второй день доидоста обители преподобнаго Корнилія. И уже видѣти нѣмъ монастырь, старецъ, ноучивъ отрока довольно, и сотвори молитву на долгъ часъ. и по молитвѣ обратися ко отроку, показуя церстомъ ко обители, и рече: иди, чадо, скоро ко блаженному Корнилію, азъ ти буду помощникъ и умолю блаженнаго Корнилія, да будеши монахъ. Юноша же падъ на ногу блаженнаго старца, прося отъ него благословенія и молитвы. Старецъ же рече: востани, чадо, Богъ всяческихъ Творецъ да благословитъ тя и сподобитъ тя великому ангельскому образу, и да будеши сосудъ избранъ Божественнаго Духа: и оттолѣ старецъ невидимъ бысть. Отрокъ же, зря сѣмо и овамо, и нигдѣ же обрѣташе старца. и разумѣвъ, яко посѣщенію бысть Божіе, и благодари о селѣ Бога. И пришедъ въ монастырь, моли преподобнаго Корнилія со слезами, да будетъ монахъ. Видѣвъ же его преподобный, и разумѣ пророзливима очима, яко сосудъ избранъ Святаго Духа хочетъ быти, постриже его, и нарече имя ему Кирилль. Бѣ же тогда святой лѣтъ пятнадцати, егда прїя монашескій образъ. И оттолѣ весь предаде себе Богови и вдаашеся на труды многи. Родителемъ же его поискавшимъ всюду, и необрѣтоша и плакахуся лишенія его. По седьми же лѣтѣхъ отхожденія его, увѣдавше родители

*) См. Новг. Епарх. Вѣд. № 7.

**) Память его февруарія въ 4 день.

Кр. 1265842

его о блаженномъ, яко во обители преподобнаго Корнеліа пребываетъ. И во второмънадесять лѣтъ отхожденія святаго, отецъ его приде во обитель преподобнаго Корнеліа и пострижеся ту, и наречено ему имя Варсонофій. и дается въ послушаніе блаженному Кириллу. И не по мнозѣвремени по постриженіи отца его, приде нѣкто отъ дому матере блаженнаго Кирилла и повѣда ему о матери его, яко и та неживе добродѣтельнымъ путемъ и пріять ангельскій образъ и наречено имя ей Елена, и съ миромъ усне. Отцу же его пребывшу въ монастырѣ три лѣта въ постѣ и въ молитвахъ, и ко Господу отыде. Блаженный же, по умертвіи родителей своихъ, на вящшіи добродѣтели восходигъ; и начатъ на больній подвигъ простиратися. и труды ко трудамъ прилагати, овогда въ новаріѣ, иногда же въ некаріѣ. вся службы монастыря того обхождаше. И восхотѣ оттуду блаженный отыти, и обходити святыя мѣста Россійскія земли, и поклонитися святымъ мѣстамъ. и достигнути пустыни и вселитися тамо, идѣже Господь повелитъ. И повѣда мысль свою преподобному Корнелію. Онъ же наказавъ его довольно отъ Божественныхъ Писаній и отнустя съ миромъ. Блаженный же помолгя со слезами, и отыде отъ обители ко окіану морю. и тамо обхождаше вся поморскія страны. скитаяся въ пустыняхъ. Пища же его быліе. и трава, и вахта(?), и кора сосновая. и губа(?) всякая и со звѣрми живяше двадесять лѣтъ. И оттуду отыде въ поморскія страны, и тамо обходя вся святая мѣста. И оттуду поиде, и дойде Великаго Новаграда и Псковскія страны и тамо святымъ мѣстомъ поклонися. И оттуду помысли, како бы ему достигнути, еже въ кое мѣсто вселитися. И ставъ на молитву. и моляшеся Богу. и Пречистѣй Его Богоматери. да открыеть ему мѣсто на нокѣи старости его. И абіе слышитъ гласъ съ небесе глаголющъ: О блаженне Кирилле, возлюбленниче мой! Уже вся блага воспріялъ еси. моимъ зановѣдемъ быль еси хранитель, тѣсный и прискорбный прошелъ еси нуть, и нынѣ гряди къ Бѣлу езеру: тамо бо уготовахъ тебѣ мѣсто, въ немъ же возможени спастися. И абіе со гласомъ свѣтъ велій возсія, къ полуднощнымъ странамъ Бѣла езера, и гласомъ онымъ, аки перстомъ показуя. мѣсто то, идѣже нынѣ монастырь стоитъ. Блаженный же Кириллъ отъ гласа оваго и видѣнія, радости многія исполнися. Разумѣ бо, яко не презрѣ Господь прошенія его. и скоро воставъ изыде въ нуть свой радуяся: и дѣйде Тихфина монастыря Пречистыя Богородицы и тамо пребысть въ наперти три дни, моляся Богу и Пречистѣй Его Богоматери. И явися ему во снѣ Пречистая Богородица. и рече ему тихимъ гласомъ:

Угодниче Пресвятыя Троицы, рабе мой Кирилле, поиди на восточную страну къ Вьлу езеру, и явить тебѣ Господь Сынь Мой и Богъ покой старости твоей. Святій же радости многія исполнися изыде изъ монастыря и идяше въ путь свой радуясь. И прииде близъ Нова-езера на Кобылинну гору, и обозрѣвъ съмо и овамо и видѣ на восточной странѣ посреди езера островъ древесы вельми украшенъ, и изъ того острова, идѣже нынѣ монастырь стоитъ, видѣ столпъ огнень стоящъ отъ земли до небесе. Блаженный же скоро потече на то мѣсто, идѣже видѣ огненный столпъ, наче же не шеваше во умѣ своемъ, яко быти мѣсту тому, еже ему Богъ обѣща и Пречистая Его Богомати. Прииде же блаженный Кирилль среди Нова-езера на красный островъ и походивъ за немъ, обрѣте на восточной странѣ древо веле, именуемо ель, и вселися подъ тѣмъ древомъ въ лѣто седьмъ тысящъ двадесать пятое, марта въ 4 день, и сотвори себѣ блаженный подъ тѣмъ древомъ хижину, древа того вѣтвей уторнувъ, и почи отъ путнаго шествиа. Явился же ему во снѣ ангель Господень во образѣ мужа въ бѣлыхъ ризахъ, и глагола ко блаженному: отче Кирилле, обходилъ еси близъ окіана моря, и Псковскія страны и Новгородскія и тамо же обрѣлъ еси мѣста покойна, здѣ же уготова тебѣ Господь мѣсто. И возбудися блаженный отъ сна своего, и поиде по острову, и видѣвъ отъ хижи своея стоны человѣчскія, человѣкъ же той невидимъ бысть. И пле блаженный въ весь Шидемъ и проси того острова у христіанъ, идѣже вселитися. Они же повелѣша ему ту пребывать. Блаженный же постави келіиду малу. Въ приидущее же лѣто постави церковь малу во имя Воскресенія Христова, и другую во имя Пречистыя Богородицы, честнаго Ея одигитрія. И ту ему пребывающу, труды его и молитвы, и пощеніе, кое слово изглаголаги можетъ и яже претерѣвъ отъ бѣсовъ и отъ человѣкъ скорби; и потомъ бѣати собраннѣй бывшей и пустыни расиространися молитвами святаго Кирилла. И потомъ въ старости добрѣ поживъ и чудеса сотворивъ, и прежде отхожденія своего ко Господу, прорече о Россійской землѣ, глаголя: будетъ убо бѣда велія на земли нашей, и гнѣвъ велій на людѣхъ, и падуть отъ острія меча, и игнѣвени будутъ отъ языкъ, и трусы, и гладі, и моры будутъ велиции, яко же яви ми Господь *). И тогда ко блаженному ученикъ его приступи, именемъ Діонисій, и нача вопрошати преподобнаго, глаголя: повѣждь намъ, отче, потомъ что будетъ? Онъ же рече ему: абіе видѣхъ на

*) Пророчество преподобнаго о Россійской землѣ.

престолѣ цари сѣдяша и предѣ нимъ стояша два строка храбра зѣло и умиленна. имуща на главахъ вѣнцы царскія и владе ннѣ Господь въ рудѣ ихъ оружіе на супротивныя враги, и по клонятся ему вси языцы и будетъ царство наше умирено Бо гомъ и устроено. Вы же отцы и братіи. молитесь со слезами Богу и Пречиствѣй Его Богоматери о державѣ царствія россій скія земли, и посемъ усне святыи въ безконечныя вѣки, и по гробоша его одесную страну церкви, на мѣстѣ. ядѣже самъ по велѣ, въ лѣто седмъ тысячъ чотырдесятъ пятое, мѣсяца фе вруаріа въ 4 день.
